



# LGBTIQ sómaji ókkol ór bútoore Góror arde Fémlir Maramari

## Australíat máze, góror arde fémlir maramari kobul gorá nozaibóu.

Manúic ókkol zará Lesbiani, Andhagula, Dui Jíns, Osin Jíns, Intar Jíns ar Taajuippa (Lesbian, Gay, Bisexual, Transgender, Intersex and Queer - LGBTIQ) hoi sinno de taráttu Australíat máze fúainna hók ókkol, ar hárr inca gorá kaanun or hélaf.

Australíat máze, hárr rictadari ókkol beggún borabor fúainna kaanun or andhár ót. Yían or maáni óilde zuri beggún óttu, ekku-jíns ókkol cóo, hók asé rictadari óibella yá biyá goribélla.

Fottízon óttu bála tojruba faibellá ar tarár fémlí ókkol, dustó ókkol ar tarár adojsa ókkol lói héfazoti ricta ókkol faibellá hók asé.

Góror arde fémlir maramari ókkol kaanun or uldha jurúm. Jurúm goréde manúic uggwá ziyól ót zai fare, tará morot fua yá maiya fua óuk.

Zodi tuńí yá tuńí zanodé honíkka hótarat ó folic oré **000** ót koól goró.

Australíat aséde fulic ókkol héfazot ola ar bórusa gorí fare.

Maana, gufoniya mocuwara'lla arde maalumat ollá 1800RESPECT ót koól goró **1800 737 732** ót.

Zodi tuáńrtu maana hotá báńgidouya uggwá lage **131 450** 't koól goró.

## Australíar Hókumot e góror arde fémlir maramari ré honó háalot or andhár ót bordac nogoré.

Góror arde fémlir maramarit bebáar yá dómki ókkol cámil asé ziyán ót pathnár uggwá ré kontróul goribélla niyot goré dhor lagai yóre yá tarár héfazot óre dómki diyóre. Góror arde fémlir maramarit cámil tákifare:

- maroon;
- gola siboon;
- pathnár yá fémlí ré zoruri thiań dibellá inkar goróon;
- pathnár óre dustó ókkol arde fémlir tú alok gorí rakóon;
- beizzoti goróon yá pathnár óre uldha sída hoón; yá
- fuain yá góror janwar ókkol óre dómki doon.

LGBTIQ rictadari ókkol ót aséde góror arde fémlir maramarit aró cámil táki faredé:

- pathnár ór jíns ór háalot, jinsí, morot maiya, morot maiyar zahér gorá, dui kisím ór jíns yá HIV háalot óre estemal gorí dómki doon tarár uldha;
- pathnár óre tarár fémlí, dustó ókkol, sómaj yá hamor zagat 'neelai' dibellá dómki doon;
- pathnár ór dabai ókkol yá morot-maiya bodoliza loi taaluk aséde sehét dekbal óre kontróul gorá; yá
- jínsi yá morod or toul ókkol mózin boni bélla pathnár óre daboon.

## Éçe Australíat hémayoti hédmot ókkol asé ziyán é modot gorífare.

ACON e sehet ór maalumát or baabote maana maalumát de asór goréde LGBTIQ maincóre lá, éçe fémlí arde góror bútoror maramari cámil asé. **[www.acon.org.au](http://www.acon.org.au) ot aséde ACON wébsáith** ot zo LGBTIQ hémayot hédmot ókkol cámil goijja dairektori uggwálla bóuli.

**1800RESPECT** óilde Australíar koumi jíns ór dóradorí, fémlí arde górwali maramari mocowarar hédmot (Australia's national sexual assault, family and domestic violence counselling service). Yían é maana gufoniya telifún arde onláin mocuwara ar maalumát de. Mocuwara douya ókkol é tuáñr hotá fúnibou ar súal ókkol ór zuab ókkol dibou ar tuáñr nizor zagat aséde oinno hédmotor hañse tuáñre háwala gorí faribóu.

**1800 737 732** ot koól goró yá LGBTIQ háas maalumát or híssa at **1800RESPECT wébsáith** **[www.1800RESPECT.org.au](http://www.1800RESPECT.org.au)** ot.

## Tuáñrtu hotá báñgidouya uggwá lager né?

**Torjuma arde Hotá báñgidiyar Hédmot (Translating and Interpreting Service)** ot koól goró (TIS) **131 450** nombór ót. TIS óttu hotá báñgidouya ekzon e tuáñre modot gorí faribóu oinno hédmot ókkol lói taaluk goribélla, mogor TIS é mocuwara diya nogoré. Koól beggún maana ar gufoniya.